

## UČENICI OSNOVNE ŠKOLE "NOVI GRAD" TUZLA OBIJEŽILI MEĐUNARODNI DAN DJEČIJIH PRAVA

20. novembra 1989. godine na Glavnoj skupštini UN-a usvojena je Konvencija o pravima djeteta koja sadrži univerzalne standarde koje država, potpisnica Konvencije, mora jamčiti svakom djetetu.



Tako se 20. novembra obilježava Međunarodni dan dječijih prava, čiji je cilj podsjetiti javnost o potrebi zaštite djece i maloljetnika od zloupotrebe, svake vrste nasilja i raznih oblika diskriminacije. Iako je Bosna i Hercegovina ratificirala Konvenciju o pravima djeteta svjesni smo svakodnevnog kršenja dječijih prava.

Učenici Va Osnovne škole „Novi Grad“ Tuzla obilježili su Međunarodni dan dječijih prava. Na radionici „*Veliki svijete, poruke ti šalje dijete!*“ učenici su se upoznali sa Konvencijom o dječijim pravima. Vođenom diskusijom, porukom, crtežom i pjesmom učili su o dječijim pravima, ukazivali na potrebe djece, njihovu zaštitu i sigurnost, na kršenje dječijih prava... učili su prihvatati obaveze koje svako pravo, po Konvenciji, donosi.

















Međunarodni dan dječijih prava zagovara, promiče i slavi prava djece, provođenje dijaloga i akcija pomoću kojih će se izgraditi bolji svijet za najmlađe članove našeg društva.

Amela Petričević  
JU OŠ „NOVI GRAD“ TUZLA